

Pusat Penyimpanan Dalam Talian Karya-Karya Artistik Lembaga Perpustakaan Negara
(NORA)

BICARA DI BIBIR SENJA
Aliman Hassan

Diterbitkan dalam Berita Minggu, 3 Ogos 1997.

Untuk kebenaran mencetak, muat turun, mengeluarkan ulang atau untuk menggunakan karya ini, sila hubungi penulis.

Nota: Susunan isi kandungan dan format adalah seperti yang diterima daripada pengarang.

BICARA DI BIBIR SENJA

Belum tebit

Bicara apa
sekadar pemanis kata
penyedap hati yang mengharap
janji yang terungkap
hanya ilusi yang sukar didakap!

23

Bicara apa
sekadar pura-pura terasa
simpati dan prihatin segala
pada yang menderita dan sengsara
menusuk jiwa raga;
hakikatnya hanya bicara
tanpa terkesan pada gumpalan darah
hilang bersama kasih yang sementara!

Demikian lakonan manusia
berkedok dan bertopeng di wajah
menyembunyi warna diri yang tercela:
menari dan berdrama
menangis dan bergembira
terbahak dan tertawa
melalak penuh nada kecewa
namun hakikatnya
bersandiwara di pentas mayapada
tanpa ketulusan dan kemulusan
kesungguhan berkorban
sebagai insan budiman
demi kesejahteraan dan kebahagiaan
mereka yang perlukan pembelaan!

Bicara di bibir senja
menanti malam menggelap maya
hilang cahaya
lenyap segala ungkapan kata mesra
pupus bersama lamunan mimpi indah
didendangkan lagu dusta
dengan lirik ~~penuh pura-pura!~~ *tanpa madah*

Aliman Hassan

Laguna Park

29 Februari 1996/10 Syawal 1416H.